

UPUTSTVO ZA
OSTVARIVANJE OPĆINSKIH NOVČANIH
PODSTICAJA U PRIMARNOJ
POLJOPRIVREDNOJ PROIZVODNJI
ZA 2023.GODINU

Ključ, mart 2023. godine

Na osnovu član 3. Zakona o novčanim podrškama u poljoprivredi i ruralnom razvoju („Službene novine Federacije Bosne i Hercegovine“, broj 42/10), član 7. stav (6) Zakona o novčanim podrškama u primarnoj poljoprivrednoj proizvodnji na Unsko-sanskom kantonu („Službeni glasnik Unsko-sanskog kantona“, broj 07/08 i 4/12), Programa utroška sredstava za podsticaj poljoprivrednoj proizvodnji na području općine Ključ za 2023. godinu, broj: 04-20-199-4/23 od 15.03.2023.godin, a u vezi člana 62. Odluke o izvršavanju Budžeta općine Ključ za 2023.godinu broj: 02-02-170/23 od 06.02.2023. godine („Službeni glasnik Općine Ključ“, broj:2/23), Općinski načelnik općine Ključ putem Službe za razvoj, privredu i civilnu zaštitu d o n o s i:

UPUTSTVO

ZA OSTVARIVANJE NOVČANIH PODSTICAJA U PRIMARNOJ POLJOPRIVREDNOJ PROIZVODNJI NA PODRUČJU OPĆINE KLJUČ ZA 2023.GODINU

Član 1.

I -OPĆE ODREDBE

- 1) Ovim Uputstvom propisuju se uslovi koje moraju ispuniti pravna i fizička lica (u daljem tekstu: korisnici) za ostvarivanje prava na novčane podsticaje/podrške, uređuju se postupci za njihovo ostvarivanje, način isplate, obaveze koje klijent mora ispuniti prije i nakon ostvarivanja novčanih podrški, utvrđuje se plan raspodjele i propisuje se potrebna dokumentacija i obrasci, koji se nalaze u prilogu ovog Uputstva i čine njegov sastavni dio.

II- NAČIN OSTVARIVANJA NOVČANIH PODRŠKI

Član 2.

- a) Pravo na ostvarivanje novčanih podrški u primarnoj poljoprivrednoj proizvodnji imaju korisnici: fizička i pravna lica poljoprivredni proizvođači, udruženja poljoprivrednih proizvođača sa mjestom prebivališta/sjedišta na području općine Ključ (u daljem tekstu: Općina).
- b) Korisnici koji su proizvodnju zasnovali i ostvarili na području općine Ključ.
- c) Korisnici koji su upisani u Registar poljoprivrednih gazdinstva (RPG) i Registar klijenata (RK) u općini Ključ.
- d) Korisnici koji su izvršili ažuriranje/promjenu podataka u Registru poljoprivrednih gazdinstva (RPG) i Registru klijenata (RK) u 2023.godini u općini Ključ.
- e) Korisnici koji dostave zahtjev (na propisanom obrascu) za ostvarivanje prava na općinske novčane podrške.
- f) Provjera statusa korisnika u Registru poljoprivrednih gazdinstava (RPG) i Registru klijenata (RK) - upis u Registre i ažuriranje/promjenu podataka u 2023.godini, vršiti će se po službenoj dužnosti u Službi za razvoj, privredu i civilnu zaštitu (u daljem tekstu Služba)
- g) Služba će u propisanim rokovima zahtjeve obraditi i dostaviti Komisiji općine Ključ.

h) Pravo na novčane podrške za sredstva predviđena za biljnu proizvodnju

B-1. Program podsticaja proizvodnje, podsticaj proljetne sjetve - sjetva kukuruza u 2023. godini.

Prava na podsticaje ostvaruju korisnici, poljoprivredni proizvođači koji su izvršili nabavku/kupovinu sjemena kukuruza i koji će izvršiti sjetvu istog.

Nakon donošenja i objave Pravilnika objaviće se Javni poziv, korisnici će podnositi zahtjeve za ostvarivanje prava na podršku po Javnom pozivu.

B-2. Program podsticaja proizvodnje povrća na otvorenom - proizvodnja merkantilnog krompira i mladog krompira u 2023. godini.

Prava na podsticaje ostvaruju korisnici, poljoprivredni proizvođači koji su izvršili nabavku/kupovinu sjemena krompira, maksimalno 2.500 kg/ha, koji će izvršiti sadnju i proizvodnju istog na površini od minimalno 0,2 ha do maksimalno 0,5 ha. Nakon donošenja i objave Pravilnika objaviće se Javni poziv, korisnici će podnositi zahtjeve za ostvarivanje prava na podršku po Javnom pozivu.

B-3. Program podsticaja proizvodnje povrća u zatvorenim prostorima, plastenicima u 2023. godini

Prava na podsticaj ostvaruju korisnici, poljoprivredni proizvođači povrća u zatvorenom prostoru na području općine Ključ, koji izvrše nabavku/kupovinu presadnica povrća od strane registrovanog proizvođača presadnica, koji zasade i proizvedu povrće na najmanjoj površini od 100 m² i sa minimalnim brojem presadnica 2,5 kom/m².

Nakon donošenja i objave Pravilnika objaviće se Javni poziv, korisnici će podnositi zahtjeve za ostvarivanje prava na podršku po Javnom pozivu.

B-4. Sufinansiranje troškova zaštite malina za kooperante proizvođače malina

Kooperanti proizvođači malina koji imaju potpisane ugovore sa registrovanim otkupljivačima ili prerađivačima za otkup malina na području BiH, za sufinansiranje troškova zaštite malina na području Općine. Nakon završetka otkupa registrovani otkupljivač ili prerađivač će u ime korisnika općini Ključ dostaviti zahtjev i ovjeren raster. Na osnovu dostavljenih rastera/spiskova otkupljivača Služba će izvršiti pojedinačno obračun podsticaja po korisnicima.

Općinski načelnik će na osnovu obračuna dostavljenog od strane Službe donijeti Rješenje o isplati, a isplata će se izvršiti pojedinačno na žiro račune, tekuće račune poljoprivrednih proizvođača.

B-5. Sufinansiranje troškova zaštite krastavaca - kornišona

Kooperanti proizvođači krastavaca kornišona koji imaju potpisane ugovore sa registrovanim otkupljivačima ili prerađivačima za otkup krastavaca kornišona na području BiH, za sufinansiranje troškova zaštite krastavaca kornišona na području Općine. Nakon završetka otkupa registrovani otkupljivač ili prerađivač će u ime korisnika općini Ključ dostaviti zahtjev i ovjeren raster. Na osnovu dostavljenih rastera/spiskova otkupljivača Služba će izvršiti pojedinačno obračun podsticaja po korisnicima.

Općinski načelnik će na osnovu obračuna dostavljenog od strane Službe donijeti Rješenje o isplati, a isplata će se izvršiti pojedinačno na žiro račune, tekuće račune poljoprivrednih proizvođača

g) Pravo na novčane podrške za sredstva predviđena za ostale vrste podrški

C-1. Za sredstva predviđena za Sufinansiranje troškova provodenih mjera dehelmentizacije goveda u 2023.godini.

Sredstava će biti doznačena veterinarskim organizacijama na području općine Ključ po 4.500,00 KM po donošenju Odluku o sufinsiranju mjere a ostatak sredstava nakon izvršene mjere i dostavljanja izvještaja sa spiskovima.

Ministarstvo poljoprivrede, vodoprivrede i šumarstva USK je na osnovu člana 200. Zakona o upravnom postupku („Službene novine Fedreacije BiH“, broj 2/98 i 48/99), a u skladu sa Pravilnikom o uslovima obavljanja veterinarske djelatnosti („Službene novine Federacije BiH“, broj 05/16), donijelo Rješenja o dodjeli područja djelovanja na epizotološkim jedinicama (općinama). Rješenja su stupila na snagu danom donošenja i vrijede 5 godina.

Javno preduzeće „Veterinarska stanica Ključ“ d.o.o. Ključ (Rješenje broj: 08-31-1274-16/17 od 10.aprila 2017.godine) i „Veterinarska stanica Dr. Imširević“ d.o.o. Ključ (Rješenje broj: 08-31-1274-17/17 od 10.aprila 2017.godine) će provoditi mjere na dodijeljenim područjima djelovanja na epizotološkoj jedinici općine Ključ.

Općinski načelnik će donijeti Odluku o sufinsiranju mjere, kojom će se precizirati način doznake sredstava veterinarskim organizacijama, vremenskom periodu provođenja mjere, načinu dostavljanja faktura sa izvještajima.

Obračun novčane podrške će se vršiti na osnovu broja grla iz spiskova dostavljenih od strane ovlaštenih veterinarskih stanica.

C-2. Sufinansiranje projekata iz oblasti poljoprivrede u 2023. godini

Nakon donošenja i objave Pravilnika objaviće se Javni poziv, korisnici će podnositi zahtjeve za ostvarivanje prava na podršku po Javnom pozivu.

C-3. Subvecija udruženju pčelara „Pčela“ Ključ

Za sredstva predviđena za ostale vrste podrški C-3 isplata će se vršiti po dostavljenom Programu čiji će sadržaj biti propisan Uputstvom. Nakon davanja mišljenja na Program od strane Komisije, Općinski načelnik će donijeti zaključak o isplati i visini novčanih sredstava predviđenih Programom.

C-4. Sufinansiranje rada Izvještajno prognozne službe (IPS) Unsko-sanskog kantona

Shodno zakonu o zaštiti bilja („Službeni glasnik BiH“, broj 23/03) i Uputstva o vršenju izvještajno prognoznih poslova u zaštiti zdravlja bilja („Službeni glasnik Federacije BiH“, broj 78/10), općine/gradovi članom 7. stav 3. Uputstva u obavezi su da vrše propisane poslove promatranja, bilježenja, evidentiranja i ažuriranja podataka o proizvođačima bilja i površinama, vrstama i sorata bilja, štetnim organizmima na bilju i u zemljištu, izvještavaju nadležne IPS, učestvuju u izradi godišnjeg kantonalnog Programa IPS i osiguraju finansijska sredstva za njihovo izvođenje u budžetu općine/grada.

Na osnovu dostavljenog zahtjeva za sufinsiranje rada IPS od strane Poljoprivrednog zavoda Unsko-sanskog kantona, Općinski načelnik će donijeti zaključak o isplati i visini novčanih sredstava predviđenih Programom.

C-5. Rezervna sredstva (hitni i nepredviđeni izdaci)

Za utrošak sredstava C-5 rezervna sredstava namjenjena za hitne i nepredviđene izdatke Općinski načelnik će donijeti zaključak o utrošku rezervnih sredstava.

- i) Provjeru dostavljene dokumentacije potencijalnih korisnika u toku prikupljanja i obrade dokumentacije, a prije dostavljanja Općinskom načelniku, vrši Komisija općine Ključ.
- j) Dokumentaciju korisnik dostavlja na protokol općine Ključ i uvodi se u djelovodnik predmeta i akata i momentom upisa postaje službena dokumentacija sa kojom se postupa u skladu sa Uredbom o kancelarijskom poslovanju organa uprave i službi za upravu Federacije Bosne i Hercegovine („Službene novine Federacije BiH”, broj 20/98) i Uputstvom o načinu vršenja kancelarijskog poslovanja u organima uprave i službama za upravu u Federaciji BiH („Službene novine Federacije BiH”, broj 30/98 i 49/98).
- k) Novčane podrške neće moći ostvariti korisnici koji imaju neizmirenih obaveza prema općini Ključ.
Novčane podrške neće moći ostvariti korisnici koji u predhodnoj godini nisu dostavili dokaz o utrošku sredstava koja su im dodijeljena po Zaključku Općinskog načelnika za Ostale vrste podrški C-5 Rezervna sredstva - Sredstava namjenjena za hitne i nepredviđene izdatke.
- l) Na osnovu Odluke o općinskim administrativnim taksama („Službeni glasnik općine Ključ”, broj 6/2006), za zahtjev za ostvarivanje prava na općinsku novčanu podršku kandidati uplaćuju 5,00 KM

III. POSEBNI KRITERIJI

Član 3.

B- BILJNA PROIZVODNJA

B-1 PROGRAM PODSTICAJA PROIZVODNJE, PODSTICAJ PROLJETNE SJETVE - SJETVA KUKURUZA U 2023.GODINI

- 1) Ukupna visina sredstava iznosi **80.000,00 KM.**
- 2) Za sredstva predviđena za B-1 biće izrađen poseban Pravilnik i raspisan Javni poziv od strane općine Ključ

B-2 PROGRAM PODSTICAJA PROIZVODNJE POVRĆA NA OTVORENOM - PROIZVODNJA MERKANTILNOG KROMPIRA I MLADOG KROMPIRA U 2023. GODINI

- 1) Ukupna visina sredstava iznosi **5.000,00 KM.**
- 2) Za sredstva predviđena za B-2 biće izrađen poseban Pravilnik i raspisan Javni poziv od strane općine Ključ

B-3 PROGRAM PODSTICAJA PROIZVODNJE POVRĆA U ZATVORENIM PROSTORIMA, PLASTENICIMA U 2023. GODINI

- 1) Ukupna visina sredstava iznosi **10.000,00 KM.**
- 2) Za sredstva predviđena za B-3 biće izrađen poseban Pravilnik i raspisan Javni poziv od strane općine Ključ

B-4 SUFINANSIRANJE TROŠKOVA ZAŠTITE MALINA ZA KOOPERANTE PROIZVOĐAČE MALINA

- 1) Pravo na podsticaje za sredstva predviđena za biljnu proizvodnju ostvaruju korisnici kooperanti proizvođači malina sa područja općine Ključ koji imaju potpisane ugovore sa registrovanim otkupljivačima ili prerađivačima malina na području BiH.
- 2) Visina sredstava iznosi **5.000,00 KM**.
- 3) Registrovani otkupljivač ili prerađivač putem općinske Službe za razvoj, privredu i civilnu zaštitu dostavlja Komisiji u pisanoj i elektronskoj formi zahtjev i rastere otkupa za kooperante sa područja općine Ključ najkasnije do 20.12.2023.godine.
- 4) Na osnovu dostavljenih rastera i ukupne količine otkupljenih malina formiraće se visina podrške po kilogramu (iznos od 5.000 KM/ukupno otkupljena količina malina u kg) maksimalno 0,70 KM/kg. Služba za razvoj, privredu i civilnu zaštitu će na osnovu dostavljenih rastera izvršiti pojedinačni obračun novčane podrške.
- 5) Općinski načelnik će na osnovu obračuna dostavljenog od strane Službe donijeti Rješenje kojim se utvrđuje pravo na ostvarivanje novčane podrške, a isplata će se izvršiti pojedinačno na žiro račune, tekuće račune poljoprivrednih proizvođača.

B-5 SUFINANSIRANJE TROŠKOVA ZAŠTITE KRSTAVACA KORNIŠONA ZA KOOPERANTE PROIZVOĐAČE KORNIŠONA

- 1) Pravo na podsticaje za sredstva predviđena za biljnu proizvodnju ostvaruju korisnici kooperanti proizvođači krstavaca kornišona sa područja općine Ključ koji imaju potpisane ugovore sa registrovanim otkupljivačima ili prerađivačima krstavaca kornišona na području BiH.
- 2) Visina sredstava iznosi **3.000,00 KM**.
- 3) Registrovani otkupljivač ili prerađivač putem općinske Službe za razvoj, privredu i civilnu zaštitu dostavlja Komisiji u pisanoj i elektronskoj formi zahtjev i rastere otkupa za kooperante sa područja općine Ključ najkasnije do 30.11.2023.godine.
- 4) Na osnovu dostavljenih rastera i ukupne količine otkupljenih krstavaca formiraće se visina podrške po kilogramu (iznos od 3.000 KM/ukupno otkupljena količina kornišona u kg). Služba za razvoj, privredu i civilnu zaštitu će na osnovu dostavljenih rastera izvršiti pojedinačni obračun novčane podrške.
- 5) Općinski načelnik će na osnovu obračuna dostavljenog od strane Službe donijeti Rješenje kojim se utvrđuje pravo na ostvarivanje novčane podrške, a isplata će se izvršiti pojedinačno na žiro račune, tekuće račune poljoprivrednih proizvođača.

C. OSTALE VRSTE PODRŠKI

Vezane za poljoprivrednu proizvodnju potiče se:

C-1. SUFINANSIRANJE TROŠKOVA PROVODENIH MJERA DEHELMENTIZACIJE GOVEDA U 2023.GODINI.

- 1) Pravo na podršku imaju svi poljoprivredni proizvođači sa područja općine Ključ koji se bave uzgojem krupne stoke (goveda).
- 2) Visina sredstava iznosi **18.000,00 KM**.
- 3) Sufinansiranje po grlu iznosi 10 KM/grlu (sa PDV-om).
- 4) Sredstava će biti doznačena veterinarskim organizacijama na području općine Ključ po 4.500,00 KM po donošenju Odluku o sufinsiranju mjere a ostatak sredstava nakon izvršene mjere i dostavljanja izvještaja sa spiskovima.
- 6) Mjera će se izvršavati na dodijeljenom terenu za svaku veterinarsku organizaciju onako kako je Kantonalno ministarstvo riješilo.

- 7) Općinski načelnik će donijeti Odluku o sufinsiranju mjere, kojom će se precizirati način doznake sredstava veterinarskim organizacijama, vremenskom periodu provođenja mjere, načinu dostavljanja faktura sa izvještajima.

C-2. SUFINANSIRANJE PROJEKATA IZ OBLASTI POLJOPRIVREDE U 2023. GODINI

- 1) Ukupna visina sredstava iznosi **13.000,00 KM**.
- 2) Za sredstva predviđena za C-2 biće izrađen poseban Pravilnik i raspisan Javni poziv od strane općine Ključ.

C-3. SUBVENCija UDRUŽENJU PČELARA „PČELA” KLJUČ

- 1) Za ostvarivanje prava na novčanu podršku korisnik dostavlja detaljan Program utroška sredstava na obrazcu koji je sastavni dio uputstva.
- 2) Visina sredstava iznosi **10.000,00 KM**.
- 3) Za ostvarivanje prava na novčanu podršku korisnik putem općinske Službe za razvoj, privredu i civilnu zaštitu dostavlja Komisiji slijedeće dokumente:
 - a) Popunjen Obrazac zahtjeva (Z- c) za ostvarivanje prava na novčanu podršku
 - b) Program utroška na propisanom obrascu
- 4) Zahtjev zajedno sa programom se dostavlja u općinu Ključ najkasnije do 30.11.2023.godine.
- 5) Korisnik se obavezuje dostaviti izvještaj o utrošku sredstava najkasnije 60 dana od dana prijema sredstava.

C-4. SUFINANSIRANJE RADA IZVJEŠTAJNO PROGNOZNE SLUŽBE (IPS) UNSKO-SANSKOG KANTONA

- 1) Visina sredstava iznosi **1.000,00 KM**.
- 2) Na osnovu dostavljenog zahtjeva za sufinsiranje rada IPS od strane Poljoprivrednog zavoda Unsko-sanskog kantona, Općinski načelnik će donijeti zaključak o isplati i visini novčanih sredstava predviđenih Programom.

C-5. REZERVNA SREDSTVA (HITNI I NEPREDVIĐENI IZDACI)

- 1) Visina sredstava iznosi **5.000,00 KM**.
- 2) Za utrošak rezervni sredstava namjenjenih za hitne i nepredviđene izdatke Općinski načelnik će na prijedlog Službe donijeti zaključak o utrošku.

IV-OBAVEZE KORISNIKA NAKON PRIJEMA NOVČANIH PODRŠKI

Član 4.

- 1) Korisnik novčanih podrški je dužan vratiti novčana sredstva dobivena na osnovu netačnih podataka ili ako namjenska sredstva nenamjenski utroši, zajedno sa zateznim kamatama u roku od 30 dana od dana donošenja rješenja kojim nadležni organ naređuje korisniku prava povrat novčanih sredstava.

V- NADZOR I KONTROLA

Član 5.

- 1) Služba za razvoj, privredu i civilnu zaštitu zadržava pravo višekratne provjere na 10% podnesenih zahtjeva metodom slučajnog uzorka do isteka kalendarske godine za činjenično stanje ostvarene proizvodnje.
- 2) Kontrolu osnovanosti zahtjeva i dokumentacije za novčane podrške vrši Komisija koju će formirati Općinski načelnik.

VI – ZAVRŠNE ODREDBE

Član 6.

Uputstvo stupa na snagu narednog dana od dana potpisivanja od strane Općinskog načelnika.

EB/AČ

Broj: 04-20-199-5/23
Datum: 15.03.2023. godina

OPĆINSKI NAČELNIK

Nedžad Zukanović prof.